



Publicaziuns dalla vischnaunca, jamna 28

Damonda da baghegiar

Nr. 2011-1048

Datum da publicaziun: ils 15 da fenadur 2011

Il patrun: Eugen Huonder, Via Run 4, 7180 Disentis/Mustér

Il representant: Eugen Huonder, Via Run 4, 7180 Disentis/Mustér

Object: Construcziun d'in parcadi cun access, parcelas 1027 e 601, Via Run 4, 7180 Disentis/Mustér

Il plans da construcziun ein deponi tier l'administraziun communal. L'investa publica cuoza 20 dis dapi il datum dalla publicaziun.

Eventualas protestas encunter sura damonda da baghegiar ein d'inoltrar a scret enteifer 20 dis alla istanza da baghegiar, caum postal 57, 7180 Disentis/Mustér. La protesta sto esser motivada e sutta scretta dil recurrent ni da siu representant.

Disentis/Mustér, ils 12-7-2011

Uffeci da baghegiar Disentis/Mustér

Damonda da baghegiar

Nr. 2011-1049

Datum da publicaziun: ils 15 da fenadur 2011

Il patrun: Swisscom (Schweiz) AG, Genfergasse 14, 3011 Bern

Il representant: Swisscom Broadcast AG, Ostermundigenstrasse 99, 3050 Bern

Object: Nova antenna directive sin tetg dalla centrala da telefon, parcella 844, Via Raveras 17, 7180 Disentis/Mustér

Il plans da construcziun ein deponi tier l'administraziun communal. L'investa publica cuoza 20 dis dapi il datum dalla publicaziun.

Eventualas protestas encunter sura damonda da baghegiar ein d'inoltrar a scret enteifer 20 dis alla istanza da baghegiar, caum postal 57, 7180 Disentis/Mustér. La protesta sto esser motivada e sutta scretta dil recurrent ni da siu representant.

Disentis/Mustér, ils 13-7-2011

Uffeci da baghegiar Disentis/Mustér

Annunzia da baghegiar

All'istanza da baghegiar ei sin fundament digl art. 64, alinea 2 dalla lescha da baghegiar e digl art. 40 dall'ordinaziun davart la planisaziun dil territori dil cantun Grischun OPT vegniu annunziou suandont project:

Nr. 2011-2069

Alexa Schuoler-Mathiuët, Via Sogn Antoni 6, 7182 Cavardiras; remplazzament dallas finiastras dalla casa, parcella 2117, Via Sogn Antoni 1, 7182 Cavardiras.

Encunter quella decisiun san ins protestar a scret enteifer 20 dis dapi la publicaziun alla suprastanza communal.

Disentis/Mustér, ils 11-7-2011

Uffeci da baghegiar Disentis/Mustér



Controlla da habitants

Mortoris

Hans Fasnacht-Loosli, naschius ils 26-1-1930, morts ils 4-7-2011.
Placi Deragisch-Calvi, naschius ils 22-1-1922, morts ils 10-7-2011.

Casa da tgira Sursassiala *Informaziun publica*

Igl october 2009 han las vischnauncas da Tujetsch, Medel/Lucmagn e Must.r incaricau la fundaziun Casa da tgira Sursassiala da realisar ina engrondaziun dalla casa da tgira per 55 cussadents a Mustér, quei era en concordanza cun igl Uffeci da sanadad dil cantun Grischun. La Fundaziun ha immediat instradau las preparativas per ademplir quella incarica, arranschau ina concurrenza per inoltrar projects e decidiu il zercladur 2010 unanimamein da realisar il project .maun en maun..

Silsuenter ei il project vegnius elaboraus ed ils 13 d'avrel 2011 ha il cussegl da fundaziun approbau il project definitiv. Gia ils 26 da settember 2010 havevan votants e votantas dalla vischnaunca da Mustér decidiu cun ina majoriad sorprendenta da conceder il dretg da realisar l'engrondaziun sil sulom da Sogn Gions (Mustér).

Legreivlamein ha la Regenza grischuna approbau ils 26 da zercladur 2011 definitivamein il project e concediu ina contribuziun dad 8,75 milliuns francs. Cheutras ei la finanziaziun garantida e la gronda ovra sociala en favur da nos attempai sa vegnir realisada.

Duront la fasa intensiva vegn ina part dils cussadents dislocada ella tgasa da vegls a Curaglia (uost 2011) e l'autra part en claustra da Mustér (avrel 2012). Per saver informar detagliadamein sur da tuts fatgs ligiai cun quei project, envida il cussegl da fundaziun la populaziun dallas treis vischnauncas da Sursassiala ad ina radunonza d'informaziun. Muort il temps da vacanzas ha quella liug per gievgia, ils 11 d'uost 2011 allas 20.00 en halla Cons a Mustér.

Nus supplichein da reservar quei termin. In program detagliau suonda.
Fundaziun Casa da tgira Sursassiala

Apparats d'udida

Gliendisdis, ils 25 da fenadur 2011, denter las 14.00 e las 16.00 saveis Vus schar schubergiar e regular Vies apparat d'udida en Casa da tgira Sursassiala. L'uniun Pro Audito Chur, cun signur Arthur Jacomet, fa quei survetsch per tuts interessents gratuitamein.

Liug: Casa da tgira Sursassiala, stiva da schiember.

Cordiala invitaziun
Casa da tgira Sursassiala

Ludoteca Mustér

Liug/Ort: Halla Cons, tel. 076 494 39 92
e-mail: ludoteca@disentis.ch

Uras d'avertura / Öffnungszeiten:

Gliendisdis/Montag: 18.30–20.00
Venderdis/Freitag: 18.30–20.00



Biblioteca populara Mustér

Liug: Casa da scola, tel. 081 947 52 90, biblioteca@disentis.ch

Sut www.disentis.ch ni www.bibliotecas-surselva.ch anfleis Vus nies entir catalog bibliotecar. Per e-mail saveis Vus reservar ina ni pliras medias ed enteifer 5 dis retrer ad emprest ellas en biblioteca populara.

Temps d'emprest duront la stad: Fenadur ed uost

Gliendisdis 18.30–20.00

Venderdis 18.30–20.00

Nies motto: Leger . . . tedlar . . . mirar . . . !

Nus selegrein da mintga viseta.

Biblioteca populara Mustér
